

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23) i Programa utroška sredstava planiranih Budžetom Zeničko-dobojskog kantona za 2026. godinu u razdjelu 20 - Ministarstvo za rad, socijalnu politiku i izbjeglice – izvor 10 i izvor 40 Budžeta Zeničko-dobojskog kantona za 2026. godinu, broj: 02-11-3006/26 od 18.02.2026. godine i broj: 02-11-4369/26 od 06.03.2026. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 130. sjednici, održanoj 22.05.2026. godine,

d o n o s i

## **O D L U K U**

### **o sufinansiranju projekta „Izgradnja sistema fekalne kanalizacije u MZ Stipovići zaseok Duga Luka“ Grad Zavidovići**

#### **Član 1.**

##### **(Predmet)**

Odobravaju se MZ Stipovići, novčana sredstva u iznosu od 20.335,00 KM (slovima: dvadesethiljadatristotinetridesetpet konvertibilnih maraka) za sufinansiranje projekta „Izgradnja sistema fekalne kanalizacije u MZ Stipovići zaseok Duga Luka“, s ciljem potpore održivom povratku na području grada Zavidovića.

#### **Član 2.**

##### **(Analitička konta)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25 i 5/26), razdjel 20-Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615100, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

#### **Član 3.**

##### **(Uplata sredstava)**

Odobrena sredstva će se uplatiti na transakcijski račun MZ Stipovići, broj: 3389002209526 otvoren kod UniCredit banke, sa naznakom svrha uplate: „Izgradnja sistema fekalne kanalizacije u MZ Stipovići zaseok Duga Luka“, grad Zavidovići.

#### **Član 4.**

##### **(Realizacija Odluke)**

Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i MZ Stipovići, svako u okviru svojih nadležnosti.

#### **Član 5.**

##### **(Izveštavanje)**

Obavezuje se MZ Stipovići, da Ministarstvu za rad, socijalnu politiku i izbjeglice po završetku projekta dostavi narativni i finansijski izvještaj o namjenskom utrošku odobrenih sredstava i to fiskalne račune izdate na ime izgradnje sistema fekalne kanalizacije, a najkasnije do 31.12.2026. godine.

**Član 6.**  
**(Stupanje na snagu)**

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

Broj: 02-11-10475/26

Datum, 22.05.2026. godine

Zenica

**PREMIJER**  
**po ovlaštenju**

*Dženana Čišija*

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x MZ Stipovići, putem Ministarstva,

1x „Službene novine Zeničko-dobojskog kantona“,

1x a/a.